



SURUHANJAYA PILIHAN RAYA MALAYSIA

# **KENYATAAN MEDIA**

**BIL.75 / 2018**

## **PENGUNDI N.27 BALAKONG DAN N.32 SERI SETIA DISERU KELUAR MENGUNDI PADA 8 SEPTEMBER 2018 (SABTU)**

1. Suruhanjaya Pilihan Raya Malaysia (SPR) menyeru kepada semua **62,188** orang pengundi N.27 Balakong dan **50,722** pengundi N.32 Seri Setia supaya keluar menunaikan tanggungjawab mereka sebagai pengundi pada **8 September 2018 (Sabtu)** ini.
2. Para pengundi adalah dinasihatkan supaya merancang masa dan tidak memilih untuk keluar mengundi di saat-saat akhir walaupun tempoh waktu mengundi telah dilanjutkan dari jam 8.00 pagi hingga jam 5.30 petang.
3. Di samping itu juga, SPR meminta para pengundi agar membuat semakan maklumat daftar pemilih mereka lebih awal sebelum hari pengundian. Semakan awal itu adalah bagi memudahkan mereka untuk merancang perjalanan serta mengelakkan mereka menghadapi masalah kesesakan di pusat mengundi khususnya di barung semakan SPR.
4. Bagi mengetahui maklumat daftar pemilih tersebut, pengundi boleh membuat semakan melalui saluran-saluran berikut:
  - a) layari **portal rasmi SPR** di [www.spr.gov.my](http://www.spr.gov.my) ; atau
  - b) telefon ke talian **03-88927018**; atau
  - c) menghantar **SMS ke 15888** ; atau
  - d) menyemaknya melalui aplikasi **MySPR Semak**.

5. Bagi pengundi yang telah mengetahui maklumat berkenaan, mereka tidak perlu menyemaknya lagi di barung SPR. Sebaliknya mereka disaran untuk **mencatat dan menyimpan maklumat** seperti berikut;

- a) **pusat mengundi,**
- b) **saluran mengundi,**
- c) **nombor bilangan pemilih.**

6. Pengundi disaran **membawa** slip/catatan maklumat tersebut serta menunjukkannya kepada petugas di saluran mengundi itu. Slip/catatan itu akan memudahkan petugas pilihan raya untuk membuat semakan nama dan membantu kelancaran proses pengundian.

7. Selain itu, pengundi juga dinasihatkan supaya membawa kad pengenalan atau dokumen pengenalan diri yang rasmi dan sah (yang memaparkan maklumat gambar, nama dan nombor kad pengenalan) pada hari mengundi serta tidak menyerahkan kad pengenalan mereka kepada pihak lain selain daripada petugas pilihan raya.

Sekian, terima kasih.

**TAN SRI OTHMAN BIN HAJI MAHMOOD**

Timbalan Pengerusi

Suruhanjaya Pilihan Raya Malaysia (SPR)

Tarikh : 6 September 2018 / 27 Zulhijjah 1439H